



Broj: 01-50-1-7-23-17/21
Banjaluka: 25.05.2021. godine

Na osnovu člana 55a., 61 i 62. Zakona o upravi ("Službeni glasnik BiH", br. 32/02, 102/09 i 72/17) člana 36., 69. i 70. Stav 4, Zakona o javnim nabavkama ("Službeni glasnik BiH", broj 39/14) i rješenja Ureda za razmatranje žalbi BiH broj JN2-01-07-1-806-8/21 od 28.04.2021. godine, Zamjenik predsjedavajućeg Komisije za koncesije Bosne i Hercegovine donosi:

ODLUKU O PONIŠTENJU

postupka javne nabavke goriva putem konkurentskog zahtjeva
podjeljenog na lotove za potrebe Komisije za koncesije BiH za 2021. godinu

I

Poništava se postupak javne nabavke goriva putem konkurentskog zahtjeva podjeljenog na lotove za potrebe Komisije za koncesije BiH za 2021. godinu pod brojem 01-50-1-7-23-1/21 od 22.02.2021. godine i to LOT 1 EURODIZEL EURO 5 I LOT 2- benzin bezolovni 95, a koji se vodi na portalu Javnih nabavki pod brojem obavještenja 35-7-1-4-3-1/21 od 22.02.2021. godine.

II

- (1) Postupak iz člana I. Ove Odluke se poništava na osnovu rješenja Ureda Ureda za razmatranje žalbi BiH broj JN2-01-07-1-806-8/21 od 28.04.2021. godine, zaprimljenog 07.05.2021. godine, kojim se usvaja žalba žalioca Naftaco na tendersku dokumentaciju i poništavaju se akti ugovornog organa i to odgovor na žalbu broj 01-50-1-7-23-3/21 od 01.03.2021. godine i rješenje broj 01-50-1-7-23-4/21 od 03.03.2021. godine – (kojim ugovorni organ djelimično usvaja žalbu u pogledu primjedbi na izjavu iz člana 45. ZJN i nastavlja i završava postupak) i predmet vratio ugovornom organu na ponovni postupak u u fazu rješavanja po žalbi na tendersku dokumentaciju.

III

- (1) Zadužuje se Komisija za javne nabavke pri Komisiji za koncesije BiH za provedbu ove Odluke i kreiranje obavještenja o poništenju.
- (2) Nalaže se Komisiji za javne nabavke pokretanje ponovnog postupka nabavke goriva putem konkurentskog zahtjeva i poštovanje zakonskih odredbi u tom postupku.
- (3) Ova odluka stupa na snagu danom donošenja i ista će biti dostavljena ponuđačima koji su učestvovali u postupku, kao i advokatu Aleksu Prole, najkasnije u roku od sedam (7) dana od dana donošenja iste i to elektronskim sredstvom, (stavljena na sajt Komisije) i/ili putem pošte i/ ili neposredno.

Obrazloženje:

Komisija za koncesije BiH je dana 22.02.2021. godine pokrenula postupak javne nabavke goriva za potrebe Komisije za 2021. godinu podjeljenu po lotovima i objavila obavještenje o nabavci na portalu Javnih nabavki pod brojem 35-7-1-4-3-1/21 od 22.02.2021. godine. Žalilac "NAFTACO" po punomoćniku advokatu Aleksi Prole izjavljuje žalbu na nekompletiranu izjavu iz člana 45. ZJN, na tendersku dokumentaciju, kojoj navodi da je protivrječan uslov postavljen u TD da ponuđači raspolažu sa jednom pumpom u Banjaluci i još 4 na području BiH, te je tražio da se preciziraju mjesta/opštine gdje bi se pumpe nalazile (što ugovorni organ nije naveo iz razloga što bi navođenje opština/mjesta gdje su pumpe, a mimo sjedišta ugovornog organa, bi predstavljalo favorizovanje određenog ponuđača) i navodi da ugovorni organ nije naveo objektivna pravila za promjenu cijene goriva (ugovorni organ nije institucija koja određuje promjene cijene goriva, promjene se baziraju na rastu cijene nafte na svjetskom tržištu, a na koje se veže i rast cijene nafte na BH tržištu, te je okvirnim sporazumom predviđena dozvoljena visina cijene, koja ne smije biti ista kao cijena na tržištu, jer mora biti zadovoljen omjer cijene i količine goriva u skladu sa ponuđenim iznosom nakon održane e-aukcije), Ugovorni organ je također naveo da je dozvoljeno podugovaranje kako bi se omogućila transparentost malim ponuđačima da učestvuju u konkurentskom postupku, te je ugovorni organ naveo da neće platiti troškove žalbe (a nije naveo zakonski osnov)

Ugovorni organ je donio rješenje kojim se djelimično usvaja žalba u pogledu nedostatka izjave u skladu sa članom 45 ZJN, izmijenio TD postavio istu na sajt, i nastavio i okončao postupak. U međuvremenu je žalilac ponovo uložio žalbu koju " navodno" ugovorni organ odbio primiti i kojim traži i pored navedenog, naknadu troškova, te je sve, radi zaštite svojih prava, prosljedio Uredu za razmatranje žalbi. Ured za žalbe donosi rješenje broj JN2-01-07-1-806-8/21 od 28.04.2021. godine, kojim su utvrđene određene nepravilnosti oko provođenja postupka, te je odlučeno u korist žalilaca NAFTACO kojim se usvaja žalba na tendersku dokumentaciju i poništavaju se akti ugovornog organa i to odgovor na žalbu broj 01-50-1-7-23-3/21 od 01.03.2021. godine i rješenje broj 01-50-1-7-23-4/21 od 03.03.2021. godine (kojim ugovorni organ djelimično usvaja žalbu u pogledu primjedbi na izjavu iz člana 45. ZJN i nastavlja postupak) i predmet vratio ugovornom organu na ponovni postupak u u fazu rješavanja po žalbi na tendersku dokumentaciju.

S obzirom da je Ugovorni organ u ovom postupku smatrao da je ispravno postupio, isti je donio rješenje, nastavio postupak uz izmjenjenu TD, zakazao e aukciju i zaključio ugovor sa najpovoljnijim ponuđačem. Dana 07.05.2021. godine je stiglo pomenuto rješenje Ureda za žalbe, te je Ugovorni organ, postupajući po istom, u zakonskom roku, donio predmetnu odluku o poništenju nabavke goriva.

Pouka o pravnom lijeku:

Protiv ove odluke se može izraziti žalba Komisiji za koncesije BiH, u roku od 7 dana od dana prijema iste, putem pošte ili direktno.

Dostaviti

- Ponuđačima,
- Na sajt
- Advokatu Aleksi Prole
- U predmet
- a/a



Član predsjedavajućeg
dr. Milomir Amović